



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

T'is doode-sonde de gebode[n] der H. Kercke ouer-terrde[n].

urn:nbn:de:hbz:466:1-39385

Het vierde ghebodt.

M. Wat ghebedt ons het vierde ghebodt?

D. Ten minsten eens s'iaers ons stellen in scaete van gratien: biechtende alle onse sonden veur den Priester/ die maght heeft ons te hoozen.

M. Hebben alle Priesters gheen maght biechte te hooren?

D. Neen hy: want om biechte te hoozen/ en is niet ghenoech Priester te zijn/ ende authoziteyt hebben van Gode de sonden te vergheuen: maer hy moet oock iurisdictie hebben/ dat is/ hy moet als rechter ende ouerste onder-saten hebben/ wiens sonden hy hooze/ ende houde oft vergheue.

Het vijfde ghebodt.

M. Wat beueelt ons het vijfde ghebodt?

D. Dat alle die tot iaeren der discretien ghecomen zijn/ ten minsten eens s'iaers het H. Sacrament des outaers ontfangen/ omtrent Paelschen: dat is/ tusschen Palm-son-daghy ende beloken Paelschen.

M. Doet hy oock dood-sonde, die dese gheboden ouer-tredet?

D. Jae hy: om datse ons gheboden zijn van onse moeder de H. Kercke / van de welke Christus seght: In dien yemandt de H. Kercke niet en hoort, dat is/ niet onder-danigh en is/ houdt hem als een Heyden ende sondigh mensche. ende S. Cyprianus: Die de heplighe Kercke veur sijn moeder niet en heeft / en sal oock Godt veur sijnen vader niet hebben.

M. Wat verstaet ghy hier, deur de heylighe Kercke?

D. Principelijck den Paus van Roomen / de Bisschoppen ende Prelaten: die de hoofden zijn vande vergaderinghe der Chyristenen / ende maght van Gode hebben / om wetten te maecten / ende de Chyristenen te verbinden de selfde t' onder-houden. Want van hen-lieden seght onse Salighmaecker: Die v-lieden hoort, die hoort my; ende die v-lieden versmaedt, die versmaedt my.

M. Hebben dese gheboden langhe gheweest?

D. Jae sy: van t'beginsel der N. Kercke. Want hoe-wel dat op diuersche tijden sommighe heylighe daghen ende vasten-daghen in-ghestelt zijn: nochtans van de tijden der Apostelen / heeft de N. Kercke bouen den Son-daggh / vele heylighe daghen onder-houden: ende oock vasten-daghen / niet alleen de viertigh dagen in den Vasten / maer oock Quater-temper ende sommighe Vigilien / ende twee daghen ter weken.

M. Wordt niemant van't onder-houden deser gheboden uyt-ghenomen?

D. Niemandt / die-se onder-houden can sonder letsel sijns lichaems / oft sonder merckelijcke schade sijns tijdelijcks goedts: Daer-om vrouwen die groot gaen / oft supghen / oude menschen / kinderen / siecken oft ongheballighe / ende die grooten lichaemelijken arbeydt doen / zijn van vasten ghe-excuseert.

Het